

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffiannut aallartitat siulittaasuata aalajangiiffigisassatut siunnersuut manna saqqummiuppaa:

Inatsisartut aalajangiiffigisassaattut siunnersuut manna pillugu:

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalackersuisunut kaammattuutigaa nunat pineqartut akornanni peqqinnissaqarfimmi sulisussanik ilinniartitsisarneq pillugu suleqatigeeqqullugit kiisalu qularnaarniaqqullugu nunat pineqartut akornanni peqqinnissaqarfimmi sulisut paarlaateqatigiittarnissaminnut periarfissaqarnissaat. Peqatigitillugu nunat pineqartut kaammattorneqarput tarnikkut nappaatinut tunngasutigut suleqatigiinnerup ineriartorteqqinneqarnissaanut periarfissat misissoqqullugit, napparsimasunik katsorsaasarneq sulisussanillu ilinniartitsisarneq eqqarsaatigalugit.

(Inatsisartut Nunat Avannarliit Killiit Siunnersuisoqatigiiffiannut aallartitaasa siulittaasuata, Lars-Emil Johansen)

Akissuteqaat

(Peqqinnissamut Attaveqarnermullu Naalackersuisoq Steen Lyng)

Siullermeenera

Inatsisartut Nunat Avannarliit Killiit Siunnersuisoqatigiiffiannut aallartitaasa siulittaasuata peqqinnissaqarfimmi sulisut ilinniartitaanissaat pillugu Savalimmiut, Islandip Kalaallit Nunaataalu suleqatigiinnissaannut kaammattuutaanut Naalackersuisut qujapput. Peqqinnissamut Attaveqarnermullu Naalackersuisup peqqinnissaqarfiup iluani suleqatigiinnerup annertusarneqarnissaanik isuma tamakkiisumik tapersorsorpaa. Naalackersuisut minnerunngitsumik tarnikkut nappaatinik ilinniarluni suliaqarfik immikkut isiginiarneqarmat aamma nuannaarutigaa.

Aallarniutigalugu eqqaaneqassaaq Islandimik suleqatigiinnissamik isumaqatigiissuteqareemat ministerillu ukiumut ataasiarlutik naapittarmata suleqatigiinnissamik periarfissaasinnaasut eqqartorniarlugit.

Maanna imaappoq nunat akornanni ilinniartitaanermut tunngasut paarlaasseqatigiittarnerlu attaveqatigiissutit assigiinngitsut aqutugalugit pisarluni, assersuutigalugu Peqqissaanermik Iisimatusarfik attaveqatigiissummut Nordkvistimut ukiorpaalunni peqataasareerpoq, nunat taaneqartut tassani aallartitaqarlutik.

Ilinniartitaanernut allanut tunngatillugu periarfissat misissorneqartariaqarput, piviusunngorsinnaasutullu takorloorneqarpoq pikkorissarnerit peqqinnissamut ilinniakkanut tunngasut pillugit pisortatigoortumik suleqatigiinnerit pilersinneqarsinnaasasut, kiisalu aamma nakorsanut paarlaasseqatigiittarneq passussinermik paasisassarfiorfiusut.

Siunnersuummi tarnikkut nappaatinik ilinniarluni suliaqarfiup ilanngutitinneqarneragut suleqatigiinnerup ineriartorteqqinneqarnissaanut annertusarneqarnissaanullu periarfissaq

nassuiarneqarpoq. Ilisimaneqarluarpoq tarnikkut nappaatinik ilinniarluni suliaqarfik nakorsanik peqqissaasunillu atorfinitsitsiniarnermini iluatsitsivallaarneq ajortoq.

Peqqinnissaqarfimmik aqutsisut februar 2014-imi Reykjavíkimi Landshospitali tikeraarpat upernaamullu 2014-imi killiliussatut isumaqatigiissut atsiorneqassanganneqarluni, napparsimasunik immikkoortiterinermi immikkoortitaakkat aalajangersimasut pillugit suleqatigiinnerup annertusarneqarnissaanut periarfissanik annertusaasusaaq. Naalackersuisut tarnikkut nappaatillit sullinneqarnerat annertuumik isiginiarmassuk, tassuuna aamma suleqatigiissinnaaneq soqutiginarpoq. Suleqatigiinnikkut periarfissat imaqarsinnaapput isumaqatigiissutinik soorlu napparsimasunik passussineq, ilinniartitaaneq peqqissutsikkullu ilinniarsimasunik tarnikkut napparsimaasunik immikkut ilisimasalinnik paarlaateqatigiinnernik. Periarfissat isiginiartillugit pilattaanikkut, nakorsaatitigut tarnikkullu nappaatit pillugit Naalackersuisut siunissami siunertaraat amerlanerit napparsimasut Danmarkimut aallartinnagit Islandimut aallartittarnissat.

Tamakku tunngavigalugit Naalackersuisut kaammattuutigaat siunnersuut taamatut isikkoqartillugu akuerineqassasoq.